



Kakanj, 17.11. 2025. godine.
Broj: 01/D-01-43- 12526 /25

Na osnovu člana 48. Statuta Rudnika mrkog uglja "Kakanj" d.o.o. -Kakanj i Preporuke Komisije za javnu nabavku broj: 1207-11/25 od 13.11.2025. godine po otvorenom postupku (OP: 56/25 – Nabavka usluga povremenog angažovanja građevinske/rudarske mehanizacije sa rukovaocem), a u skladu sa članom 70. i 71. Zakona o javnim nabavkama („Sl. glasnik BiH“, broj 39/14, 47/14, 59/22, 50/24), Direktor Iso Delibašić, dipl.ekonomista i Prokurist Adi Hamidović, dipl.inž.maš., donijeli su

ODLUKU
o dodjeli okvirnog sporazuma
za nabavku usluga povremenog angažovanja građevinske/rudarske
mehanizacije sa rukovaocem, OP 56/25

Član 1.

Za potpisivanje okvirnog sporazuma za nabavku usluga - Nabavka usluga povremenog angažovanja građevinske/rudarske mehanizacije sa rukovaocem, po provedenom otvorenom postupku OP: 56/25 u kojem je predviđeno zaključivanje okvirnog sporazuma sa jednim dobavljačem, izabran je sljedeći ponuđač:

Naziv / ime ponuđača		Ukupno ponudena cijena bez PDV-a
I.	„TRGOŠPED“ d.o.o. Kakanj	597.350,00 KM

Član 2.

Odbacuje se ponuda ponuđača „JUNUZOVIĆ-KOPEX“ d.o.o. Lukavac dostavljena po otvorenom postupku nabavke OP: 56/25 - Nabavka usluga povremenog angažovanja građevinske/rudarske mehanizacije sa rukovaocem, kao nepravilna.

Član 3.

Nakon isteka roka za žalbu, sa izabranim ponuđačem iz člana 1. ove Odluke zaključit će se okvirni sporazum u trajanju od godinu dana od dana zaključivanja, kojim će se regulisati međusobna prava i obaveze vezano za predmetnu nabavku, odnosno pojedinačni ugovori za predmetnu nabavku, shodno uslovima navedenim u Tenderskoj dokumentaciji i zakonskim propisima koji regulišu postupak ugovaranja.

Član 4.

Obavezuje se izabrani ponuđač iz člana 1. ove Odluke da u roku od 5 (pet) dana od dana prijema ove Odluke dostavi dokaze tražene tačkom 3.1. (član 45. Zakona o javnim nabavkama) tenderske dokumentacije.

Dokumentaciju dostaviti na protokol Ugovornog organa.

Ukoliko je ponuđač uz ponudu dostavio dokumente iz člana 3.1. Odluke, nije u obavezi dostavljati traženu dokumentaciju.

Član 5.

Za izvršenje ove odluke zadužuje se i ovlašćuje Služba za javne nabavke i Komercijalna služba RMU „Kakanj“ d.o.o.- Kakanj.

Član 6.

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 7.

Ova odluka dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke o pokretanju postupka javne nabavke broj: 01/D-01-43-10959/25 od 08.10.2025.godine.

Odlukom o pokretanju postupka nabavke usluga, Ugovorni organ predvidio je zaključivanje Okvirnog sporazuma sa jednim ponuđačem na period od godinu dana od dana zaključivanja Okvirnog sporazuma. Vrijednost na koju se zaključuje okvirni sporazum je 597.350,00 KM bez PDV-a.

Procijenjena vrijednost javne nabavke bez PDV-a je: 597.350,00 KM.

Obavijest o nabavci broj: 967-1-2-408-3-257/25 poslana je na objavu dana 10.10.2025. godine, a objavljena je na Portalu javnih nabavki dana 10.10.2025. godine.

Zapisnik o ocjeni ponuda

Komisija za javnu nabavku je sačinila Zapisnik o ocjeni ponuda broj: 1205-11/25 od 13.11.2025.godine i Preporuku o izboru najpovoljnijeg ponuđača broj: 1207-11/25 od 13.11.2025. godine, u postupku javne nabavke usluga povremenog angažovanja građevinske/rudarske mehanizacije sa rukovaocem.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda dvije (2).
- da su blagovremeno zaprimljene dvije (2) ponude.
- da nije bilo neblagovremeno zaprimljenih ponuda.
- da je ponuda ponuđača „TRGOŠPED“ d.o.o. Kakanj prihvatljiva.
- da je ponuda ponuđača „JUNUZOVIĆ-KOPEX“ d.o.o. Lukavac nepravilna.

Razlozi obijanja ponude ponuđača JUNUZOVIĆ-KOPEX“ d.o.o. Lukavac:

Tačka 3. Tenderske dokumentacije propisuje Uslove za kvalifikaciju.

Podtačkom 3.2. – Ostali uslovi za kvalifikaciju, Ugovorni organ je propisao sljedeće:

Što se tiče tehničke i profesionalne sposobnosti, ponuđači trebaju ispuniti sljedeće minimalne uslove:

Član 50. tačka a) Zakona o javnim nabavkama

Uspješno iskustvo u realizaciji najmanje 1 (jednog) ugovora ili više ugovora u prethodne tri godine (počevši od 10.10.2022.godine, 2023. i 2024.godina, kao i tekuća 2025.godina), čiji je karakter i kompleksnost isti onom koji se odnose na predloženi ugovor (rad bagera), a čiji zbir vrijednosti za jedan ugovor ili više ugovora ne može biti manji od 300.000,00 KM bez PDV-a (uredno popunjen Aneks 6. tenderske dokumentacije).

Ocjena tehničke i profesionalne sposobnosti ponuđača će se izvršiti na osnovu sljedećih izjava i dokumenata koje dostave ponuđači:

Član 50. tačka a) Zakona o javnim nabavkama

Listu izvršenih usluga u prethodne tri godine (počev od 10.10.2022.godine, 2023. i 2024.godina, kao i tekuća 2025.godina), sa ukupnim vrijednosnim iznosima, datumima i primaocima uz osiguranje dokumenata u formi potvrda o izvršenim uslugama koje su izdali primaoci - Obrazac „Spisak izvršenih ugovora-lista referenci“ u Aneksu 6. tenderske dokumentacije ili od datuma registracije, ukoliko je ponuđač počeo sa radom prije manje od tri godine, dostavit će dokaz za taj period.

Dokaz se podnosi u tabelarnom pregledu - Obrascu „Spisak izvršenih ugovora-lista referenci“ u Aneksu 6. koji se nalazi u prilogu ove tenderske dokumentacije uz potvrdu koju daje druga ugovorna strana o njihovoj realizaciji. Dokumentacija koja se podnosi mora biti dostavljena u originalu ili u kopiji ovjerenoj od strana nadležnog organa uprave. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta uredno izvršenim ugovorima, uz predočavanje dokaza o učinjenim pokušajima da se takve potvrde osiguraju.

Potvrda o uredno izvršenim ugovorima mora sadržavati sljedeće podatke:

- a) naziv i sjedište ugovornih strana ili privrednih subjekata;
- b) predmet ugovora;
- c) vrijednost ugovora;
- d) vrijeme i mjesto izvršenja ugovora;
- e) navode o uredno izvršenim ugovorima.

* Uvidom u ponudu ponuđača „JUNUZOVIĆ-KOPEX“ d.o.o. Lukavac, komisija je utvrdila sljedeće:

Ponuđač „JUNUZOVIĆ-KOPEX“ d.o.o. Lukavac je u svojoj ponudi, na stranici 103, dostavio spisak izvršenih ugovora – listu referenci, gdje je nabrojao pet ugovora. Za nabrojane ugovore je priložio Potvrdu o realizaciji Ugovora, na stranici 105 svoje ponude.

Potvrda o realizaciji Ugovora koju je u svojoj ponudi dostavio ponuđač „JUNUZOVIĆ-KOPEX“ d.o.o. Lukavac nije potpuna, odnosno ne sadrži sve podatke koje potvrda mora da sadrži. Potvrda sadrži naziv i sjedište ugovornih strana ili privrednih subjekata, predmet ugovora, vrijednost ugovora, mjesto izvršenja ugovora i navode o uredno izvršenim ugovorima, ali ne sadrži i vrijeme izvršenja ugovora.

Aneksom 7 – Tehnička specifikacija propisano je sljedeće:

Za smjenskog rudarskog nadzornika potrebno je da Pružalac usluga obezbjedi najmanje jedno lice za jednu smjenu (odnosno ukupno tri smjenska rudarska nadzornika), da se lica nalaze u radom odnosu na neodređeno ili određeno radno vrijeme koje treba da ispunjava uslove kako slijedi:

Smjenski rudarski nadzornik, završena srednja rudarska tehnička škola IV stepen, položen stručni ispit za nadzor, dvije godine radnog iskustva nakon položenog stručnog ispita, da se lica nalaze u radnom odnosu na određeno ili neodređeno vrijeme (Član 28. Zakona o rudarstvu).

DOKAZ:

- Izjava ponuđača kojom se obavezuje da će na poslovima koji su predmet ugovora obezbjediti najmanje jednog smjenskog rudarskog nadzornika po jednoj smjeni, IV stepen stručne spreme, sa položenim stručnim ispitom za nadzor i sa najmanje dvije godine radnog iskustva u struci nakon položenog stručnog ispita i da se isti nalazi kod kandidata u radnom odnosu.

- Kao prilog Izjave dostaviti uz ponudu dokumentaciju kojom se dokazuje da ponudač zadovoljava traženi uslov.

* Uvidom u ponudu ponudača „JUNUZOVIĆ-KOPEX“ d.o.o. Lukavac, komisija je utvrdila sljedeće:

Ponudač „JUNUZOVIĆ-KOPEX“ d.o.o. Lukavac je u svojoj ponudi dostavio dokaze za tri smjenska rudarska nadzornika i to dokazi su u potpunosti dostavljeni za dva smjenska rudarska nadzornika, dok za jednog smjenskog rudarskog nadzornika dokazi nisu u potpunosti dostavljeni onako kako je tehničkom specifikacijom zahtijevano od ponudača.

Od ponudača je zahtijevano, da u svojoj ponudi, između ostalog dostavi, za smjenskog rudarskog nadzornika položen stručni ispit za nadzor.

Ponudač „JUNUZOVIĆ-KOPEX“ d.o.o. Lukavac je u svojoj ponudi od stranice 201 do stranice 208 dostavio dokaz za smjenskog rudarskog nadzornika Bajramović Rahmana. no međutim, za pomenutog nadzornika nije dostavljen dokaz o položenom stručnom ispitu za nadzor.

S obzirom da ponuda ponudača „JUNUZOVIĆ-KOPEX“ d.o.o. Lukavac nije izrađena i dostavljena na način koji je propisan Tenderskom dokumentacijom, to je ponuda ocijenjena kao nepravilna.

Činjenično stanje je konstatovano u Zapisniku o ocjeni ponuda broj: 1205-11/25 od 13.11.2025. godine, koji je sastavni dio ovog Izvještaja.

Primjena preferencijalnog tretmana domaćeg

Ugovorni organ NE primjenjuje preferencijalni tretman domaćeg (preferencijalni tretman cijene) iz člana 67. Zakona o javnim nabavkama.

Odluka o obaveznoj primjeni preferencijalnog tretmana domaćeg broj: VM 89/2020 od 29.05.2020. godine („Službeni glasnik BiH“ broj: 34/20), donesena od strane Vijeća ministara Bosne i Hercegovine, prestala je sa važenjem dana 01.06.2021. godine.

S obzirom da Vijeće ministara Bosne i Hercegovine nije donijelo poseban podzakonski akt kojim se reguliše primjena preferencijalnog tretmana domaćeg, to prema članu 67. Zakona o javnim nabavkama, ne postoji pravni osnov za primjenu preferencijalnog tretmana domaćeg.

Provođenje E-aukcije

Prije provođenja postupka E-aukcije Komisija Ugovornog organa je utvrdila koje od pristiglih ponuda su prihvatljive te je Ugovorni organ je utvrdio slijedeću rang listu ponudača, a po osnovu kriterija najniža cijena:

-- Rang-lista ponudača:

Naziv / ime ponudača		Ponudena cijena (bez PDV-a)
1.	“TRGOŠPED” d.o.o. Kakanj	597.350,00 KM

Ugovorni organ je tačkom 4.6. Tenderske dokumentacije predvidio provođenje e-aukcije u predmetnom postupku u skladu sa Pravilnikom o uslovima i načinu korištenja e-aukcije.

Međutim, kako je pristigla samo jedna prihvatljiva ponuda, te kako Zakon o javnim nabavkama nalaže da se e-aukcija ne provodi u slučaju jedne prihvatljive ponude, tako da Ugovorni organ nema osnova da provede e-aukciju.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponudača, te ocjenu prispjele ponude, shodno kriterijima iz Tenderske dokumentacije.

U postupku ocjene provedenog postupka, Direktor nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, kako slijedi:

PODACI O NAJPOVOLJNIJEM PONUĐAČU		
1.	Naziv / ime ponuđača	„TRGOŠPED“ d.o.o. Kakanj
2.	Adresa	Ul. Branilaca bb. 72 240 Kakanj
3.	Ukupna cijena ponude bez PDV-a	597.350,00 KM
4.	Popust	0,00 KM
5.	Ukupna cijena bez PDV-a sa uračunatim popustom	597.350,00 KM
6.	Ukupna cijena ponude sa PDV-om	698.899,50 KM
7.	Okvirni sporazum će se zaključiti na iznos bez PDV-a od	597.350,00 KM

Iz navedenih razloga, primjenom člana 64. stava (1) tačka b) najniža cijena Zakona o javnim nabavkama odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi putem Rudnika mrkog uglja "Kakanj" d.o.o. -Kakanj, najkasnije u roku od 10 (deset) dana od dana prijema ove odluke.

Prokurist

Adi Hamidović, dipl.inž.maš.



Direktor

Iso Delibašić, dipl.ekonomista

Dostavljeno:

1x Direktor

1x Učesnici u postupku javne nabavke

1x a/a